



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

Na osnovu člana 70. i člana 88. Zakona o javnim nabavkama („Sl. glasnik BiH“, broj: 39/14), člana 27. Pravilnika o javnim nabavkama Javne ustanove za predškolski odgoj i obrazovanje „Naše dijete“ Tuzla, a na prijedlog Komisije za javne nabavke, direktor Ustanove donio je sljedeću

O D L U K U

o izboru najpovoljnijeg ponuđača

I

Kao najpovoljniji ponuđač u postupku nabavke robe – *proizvodi koji se koriste u građevinarstvu* za potrebe JU „Naše dijete“ Tuzla, provedenog putem konkurentskog zahtjeva za dostavljanje ponuda, izabran je „INTER-COM“ d.o.o. Zenica.

II

Zadužuje se stručni saradnik za poslove javnih nabavki da obavijesti sve ponuđače o izboru najpovoljnijeg ponude iz člana I ove odluke.

III

Zadužuje se Služba za pravne, kadrovske i opće poslove da pripremi sve predušlove za zaključenje ugovora sa izabranim ponuđačem po protoku predviđenih zakonskih rokova i procedura.

IV

Vrijednost ove nabavke iznosi 6.499,10 KM bez PDV-a, a ista je planirana u Planu nabavki za 2019. godinu broj 166/2019, redni br. robe 13., šifra JRJN 44420000-0.

V

Odluka stupa na snagu danom donošenja.

OBRAZLOŽENJE

Na osnovu Zahtjeva za pokretanje postupka javne nabavke br. 01-2869-1/2019, direktor Ustanove je donio Odluku o pokretanju postupka nabavke po konkurentskom zahtjevu za dostavljanje ponuda br. 01-2869-2/2019 od 29.05.2019. godine. Postupak je objavljen na Portalu javnih nabavki BiH broj 1194-7-1-48-3-19/19 od 30.05.2019. godine, a poziv za preuzimanje tenderske dokumentacije sa Portala je upućen privrednim subjektima: „Pupex“ d.o.o., „Orbiter“ d.o.o. Tuzla, „Titanik“ d.o.o. i „BM Company“ d.o.o., dok je predmetnu tendersku dokumentaciju u sistemu „E-nabavke“ preuzelo 15 (petnaest) privrednih subjekata.

Nakon prijema ponuda, Komisija za provođenje postupka javnih nabavki, imenovana Rješenjem br. 91/2019 od 07.01.2019. godine i Rješenjem o izmjenama rješenja o imenovanju Komisije za odabir najpovoljnijih ponuđača br. 1326/2019 od 04.03.2019. godine, konstatovala je da je blagovremeno ponudu predao 1 (jedan) ponuđač - „INTER-COM“ d.o.o. Zenica – broj protokola 01-3059/19-1. Utvrđeno je da ponuda navedenog ponuđača ispunjava sve zahtjeve tražene tenderskom dokumentacijom i ista je ocijenjena kao prihvatljiva. Ponuđač je u Aneksu 2. – obrazac za dostavljanje ponude naveo ukupnu cijenu koja je različita od cijene navede u Aneksu 3. – obrazac za cijenu ponude. S obzirom da je, u skladu sa Uputstvom za pripremu modela tenderske dokumentacije i ponuda („Službeni glasnik BiH“ broj 90/14), u Aneksu 2., u Izjavi ponuđača, tenderske dokumentacije definisano: „U prilogu se nalazi naš obrazac za cijenu ponude, koji je popunjen u skladu sa zahtjevima iz tenderske dokumentacije. U slučaju razlika u cijenama iz ove Izjave i



JAVNA USTANOVA ZA PREDŠKOLSKI ODGOJ I OBRAZOVANJE
„NAŠE DIJETE“ TUZLA
KREČANSKA BROJ 3, 75000 TUZLA
ID BROJ: 4209046740000 CENTRALA/FAX: +38735369920
n-dijete@bih.net.ba www.nasedijete.ba

Obrasca za cijenu ponude, relevantna je cijena iz obrasca za cijenu ponude“, kao relevantna uzeta je cijena iz Aneksa 3. – Obrazac za cijenu ponude.

U tenderskoj dokumentaciji je predviđeno provođenje e-aukcije, u skladu sa Pravilnikom o uslovima i načinu korištenja e-aukcije (Sl. list BiH broj 66/16 od 06.09.2016. godine), ali s obzirom da je pristigla samo jedna prihvatljiva ponuda, planirana e-aukcija nije zakazivana, nego je postupak okončan u skladu s članom 69. stav (1) tačka a) Zakona o javnim nabavkama BiH. S obzirom da je cijena ponude za 499,10 KM bez PDV-a viša od procijenjene vrijednosti planirane za ovu nabavku, Komisija za javne nabavke je dostavila direktoru prijedlog da postupak nabavke poništi u skladu sa članom 69. ZJNBiH (vrijednost prihvatljivih ponuda znatno veća od osiguranih sredstava) ili da se, ukoliko je moguće drugačijom raspodjelom osigurati dodatna sredstva za ovu nabavku, zaključi okvirni sporazum sa ponuđačem „INTER-COM“ d.o.o. Zenica u skladu sa članom 64. stav (1) tačka b) Zakonom o javnim nabavkama BiH. Imajući u vidu da je Rukovodilac Ekonomsko-finansijske službe dostavio informaciju br. 01-2869-10/2019 da u operativnom planu na poziciji 613720 postoje sredstva za koje cijena ponude prelazi procijenjenu vrijednost nabavke, odlučeno je kao u dispozitivu.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14), podzakonskim aktima i tenderskom dokumentacijom.

Pouka o pravnom lijeku:

Protiv ove Odluke može se uložiti žalba direktoru Ustanove u roku od 5 dana od dana prijema i ista se podnosi pismeno putem pošte ili direktno na protokol Ustanove u objektu „Pčelica“ u Tuzli, ul. Krečanska 3.

DOSTAVLJENO:

1. Ponuđačima
2. Spis
3. A/a



DIREKTOR

[Signature]
/ Karić Sanja, dipl. iur /

Broj: 01-2869-11/2019
Tuzla, 13.06.2019. god.

[Signature]